


Núm. 95

Tomo 8.^o

rÓS





BOLETÍN MENSUAL
da
CULTURA GALEGA

Direitor Literario

Vicente Risco

Direitor Artístico

Alfonso R. Castelao

Administrador

ANXEL CASAL

DIRECCIÓN E REDAUCIÓN:

S. Domingo, 47 — OURENSE

ADEMINISTRACIÓN:

Hortas, 20 — SANTIAGO

ABONAMENTO

Doce números, na Península	8'00 pesetas.
Foro da Península	8'00 .
Número solto	0'70 .

Este boletín non publicará mais orixinas qu'os que foran directamente solicitados pol-a Dirección. Tampouco se fai solidario das ideas n-eles emitidas, a non ser das que por non iren rubradas, enténdense que son da Redacción.

Os pagos son adiantados e os gastos de xiro de conta dos suscritores

SUMARIO

GALICIA, por Francisco VILLAESPESA, trad. de Guido BATTELLI.
REFRENSÍONS ENCOL DO MOMENTO ATUAL DE GALICIA, por Lois TOBIO FERNÁNDES.
NOMES GALEGOS DA «DIXITALIS PURPUREA L.», por BOUZA-BREY.
ERADHAR GABHALA, libro das conquistas da Irlanda, (Remate).
ARQUIVO FIOLÓXICO I-ETNOGRÁFICO DE GALICIA.
OS HOMES, OS FEITOS, AS VERBAS, pol-a REDAUCIÓN.

IMPRENTA "NÓS"

Facturas - Estados - Libros - Revistas
e toda crás de traballos tipográficos

Trasmitanos os seus encárregos

Hortas, 20

SANTIAGO

Dicenle Risco

Abogado

Santo Domingo, 47. 2º

Ourense



BOLETIN MENSUAL DA CULTURA GALEGA

Ano XIII ★ Ourense 15 de Novembro do 1931 ★ Núm. 95

G A L I Z I A

(POLIMETRO)

Galizia, mia verde Galizia,
al sogno e all'amore propizia,
quel dolce soave tuo idioma
dà all'anima nostra l'aroma
d'un fresco roseto fragrante;
somiglia á colomba tubante,
ha profumo di rosee mele
e dolcezze d'un aureo miele!

Sorgente di pura armonia,
di Curros tu echeggi il dolore,
al cántico di Rosalia
dai versi d'eterno splendore.

Bionda Onfale, tua pálida fronte
cingon gli astri col serto lor d'oro,
sulle rive del mare sonoro
sta la clava (1) coperta di fior.

Di Galizia la lirica Ondina
va cantando sui monti a le piante

e discioglie la treccia ondeggiante
della luna nel pálido albor.

Verde ramo del céltico vischio,
nei druidici boschi fiorito,
nel tuo canto é il ricordo d'un mito
che di Spagna rivive nel sol!

Il tuo popolo ha l'anima buona
e serena così come un giglio
che all'aprile dischiude ne gli orti
il suo tenero calice al sol.

S'inzaffira nel cielo l'aurora
e biancheggia dispume il tuo mare,
come donna che muova all'altare
tra'l fragrante profumo dei fior.

La tua gaita lontana sospira
ne gli ameni preludi d'un canto
che s'inizia con risa d'amore
e finisce in singhiozzi di pianto!

FRANCISCO VILLABSPESA

(Guido Battelli, tradusse)

(1) La clava dimenticata da Ercole, innamorato di Onfale.



REFREISIÓNS ENCOL DO MOMENTO AITUAL DA GALICIA

POR Lois Tobío FERNÁNDEZ

ENCETO

O momento aitual da vida de Galicia é, certamente, de suma delicadeza. Topámonos na soleira d'un novo periodo. Anda a se desfacel o vello Estado español, centraista e infuscado. Novo amanecer das terras hispánicas agañotadas. Un mundo novo, unha nova vida temos nas nosas máns. Que non se nos malogre, que non se nos vaia á perder o nascedeiro... Coidémolo, agarimémolo. É decir deámonos ben conta do que debemos facer. Un erro ó comezo sería fatal.

Hai que estudar en concreto a aitual realidade da nosa terra. Hai que meditar, refresionar encol do dato. E hai que captar o viéiro certo, a roita salvadora. No que sigue van algunas das mías consideracións: nin todas novas, nin todas de intrés. Son uns cantos presupostos pra a certa eistruturación da nosa Terra. Teóricas, arelan non sere más que un método. Que a forma se encha logo de contido, no fondo adentramento da realidade nosal.

I. O POLÍTICO EISTRUC- : TURACIÓN DO SOCIAL :

O problema de eistruturación da Galicia é un problema político. Non cabe dúbida que o político, a Política é algo de orixe racional, mental, refresivo. A política non é sinon un dos moitos aspeitos da tendencia á ordeación, á armonización, á unidade podemos decir.

Eu coido que o siño más característico do humano é ese: a tendencia á unidade harmónica —non á confusión! A natureza non nos ofrece senón individuos; a nosa razón or-

dea, agrupa e resume (e diferencial) a realidade. A más elemental revelación d'iste ancelio é a amizade; harmonía de dous espíritos sin perder a natural individualidade. Outra, de senso más amprio, a Cencia. Outra a Política.

A política, é, pois, unha redución categorial da realidade n-un certo senso, n-un orde determinado. ¿Non fica d'aquela ben craro asin que a Política ten de partir da realidade, ten que reconocela, pregarse á ela? Certamente, que non é soio realidade, que ten que ser moitas vegadas correitivo d'ela; pero ha coñecer todolos seus resortes pra mellorala. Eiqui está, como é sabido, o fracaso de todalas doutrínas políticas apriorísticas e racionalistas, que coidaban a realidade materia branda e doada pra calquer eistruturación de gabinete. Sucede eiqui como nas cencias: seria absurdo que un naturalista agrupase os seres en xéneros i-especies según conceptos de razón; poderá seguir un ou outro dos datos reais pra a clasificación, nos animaes p. ex. atender fundamentalmente á función asimilativa ou á reproductiva, más non pode fuxir en absoluto, da experiencia. Ata pra vencer á realidade hai que pregarse a ela.

Asi o Estado, forma suprema da vida política ten que partir —pra ser prenamente eficaz e pra ser estable— dos datos reais. Nas correntes aituadas da Cencia Política esta ideia é un postulado xeral.

O Estado será unha centralización das forzas nacionaes (Haurión) ou unha triple integración —personal, real e funcional— según a interesante visión de Rudolf Smend; o substratum, o elemento primario, sempre o

sociolóxico. Pero o factor sociolóxico temos que tomalo de tal xeito que non fique forá d'él aspeito ningún; e os aspeitos da realidade social son moltísimos. Enxergadel-a vastedade do probrema?

Venhamos agora á nosa Terra. Un axeitado estudo da eistroitación política da Galicia, un estudo compreto, supón o análisis previo de todal-as facetas do social galego, no senso, singularmente, das suas notas diferenças, da sua fisionomía, das características do real n-esta Terra, anaco do mundo.

II. O SOCIOLOGICO

Hai, pois, pra o que encete unha laboura de construición política un dato inicial imprescindible i é o sociolóxico. A realidade da vida de relación humán.

Ora, qué nos ofrece a realidade ollada á través do prisma sociolóxico?

A realidade, n-iste aspeito, amóstranos unha chea de individuos semellantes en moitas cousas, diferentes n-outras; vivindo encol de terras moi desemellantes; falando linguaes diversos. Estas diferencias, ademais, non se dan d'un xeito confuso, senón por zonas espaciaes, en xeral. Eixisten d'iste xeito á modo d'unhas comunidades naturaes, asentadas sobre d'unha terra, caraterizadas por unha serie de coincidencias comúns, que teñen ademais senso concéntrico i-escalonado. Falo —tratando agora nun senso sociolóxico eisclusivamente— con todal-as reservas. Realmente, eixisten tan soio as semellanzas devanditas, creadas pol-a orixe común, pol-a convivencia, pol-as influencias en común recibidas. Esto permitenos falar —certo que xa científicamente, coma construicións da ciencia sociolóxica— de entidades naturaes. Non que, obxetivamente, eixista un espírito do pobo, un «Volkgeist», máis ou menos místico. O espírito d'un pobo, a i-alma d'unha comunidade natural, eixiste sómente coma «representación» na conciencia dos individuos e n-iste senso subxetivo pode ser sentido e amado; en verdade, sómente se poden amar e sentir as «representacións». Son os últimos celmes do noso ser subxetivo —moitas vega das imperceptibles— os que tornan a realidade apta pra a sentir e a amar e a comprender.

Ora ben: cara que s'endereita a marcha sociolóxica, cara a semellanza ou cara á diferenza? Os homes, tenden á seren iguales ou tenden a seren más diferentes cada vez? Esas entidades naturaes —valéndonos d'unha construición da ciencia sociolóxica— aprúsimanse ou sufincan arreo as suas características fisonómicas?

Adóitase a falar moito da tendenza á unidade de todol os pobos do mundo. É un dos temas más favorecidos pol-as conversas de café e os artigoñños das revistas cursis; patrimonio dos celebres de grilo que saben e tratan de todo e resolven todol os probremas c'unha sinxeleza e unha seguridade e unha falla de obstáculos e dificultades que fan pensar na gnosis ou na revelación direita.

Esta distinta manifestación do analfabetismo, que tanto abonda na Hespaña, é un dos más graves defeitos. Hai que s'acostumar á considerar as cuestións de filosofía ou de política como son, e. d., comprexas e eisixentes de fonda e serea e repousada meditación. O simpismo n-estes probreinas é sempre fatal.

Pois ben; esa idea tan repetida da tendenza á unidade absoluta e confusiva —que tan finamente criticou o noso Castelao— é un conceito totalmente equivocado. Non me vou meter agora á analizado, porque non é ista ocasión doada. Engaiola pol-o crára; máis si hai algún conceito descoñecedor da realidade este é o máis eistremo. A realidade eiqui, eistravasa e fuxe do molde ríxido.

A vida fluente non é coutada pol-a armazón artificiosa de tal conceito. O gosto por unha lóxica escolástica xeométrica —gosto que ten algo de pereza mental— leva ós máisimos desvarios da razón pura, chega ás máisimas irrealidades, e a realidade —corda e serea— rise á cachón da tolemia megalomaníaca do conceitual.

«El mundo es hecho de contrastes» dixo Gracián e ista é unha verdade fundamental e real. O lado d'unha cousa hai outra contraria. Quen se fixe n-unha banda, sómente, anda trabucado. Por esa razón son infundadas as críticas que se teñen feito á obra de Marx. O marxismo é un dos sistemas más pretos da realidade; con arreglo á lóxica

das escolas atoparánse nél moitas contradicións. Quen non estefia ben penetrado da lóxica real do marxismo non poderá enxergal-o, nin poderá enxergar toda a força de verdade que nél latexa. Outro tanto acontez cō que vimos tratando. Si d'unha banda, topamos c'unha innegabre tendenza á universalidade, d'outra aparez unha tendenza contraria cara a particularidade. As duas forzas d'atraición e repulsión do mundo físico danse tamén no social. E a un incremento de universalidade corresponde un incremento de particularidade. Iste non son preconceitos, nin hipótesis, nin teorías sinón feitos, datos da esperencia que enchen a vida actual, que están o alcance de todo o mundo. Non vou a citar ningún. Que se diga que iso é incomprendible, absurdo, contradictorio, inespricable. ¡Hai tantas cousas inespricabres no mundo! E o caso é que a realidade é asina, e así procede sin llimportar nin miaga o que diga a razón pura.

Eis que temos como dato sociolóxico pra a estructuración da nosa Terra a eisistencia d'unha comunidade natural — a determinación sociolóxica d'ista é causa d'outrénbasada n'unha chea de carauterísticas que son semellanzas antre os de dentro, diferenças con respecto ós de fora. Semellanzas e diferenças qu'eisisten e qu'eisistirán malia que non se queira, ainda nos mesmos que tratan de negalas — i-este é mal ben común pol-a nosa Terra—. A iste dato hai que s'ater e tomalo integralmente, c'unha interpretación o mais obxetiva posibre. É o primeiro presuposto — primeiro no tempo, primeiro no valor — pra a nosa laboura.

III. A POLÍTICA, UN PROBLEMA DE POLÍTICA ::

Deixamos dito que a Política é unha oraganización da realidade pra acadar fins de melloramento da convivencia social, de progreso cultural. A Política ven ser, d'iste xeito, un medio, non un fin en si. De consideralo coma fin xurdiron moitos erros. D'elqui a certa desconsideración con que se trata hoxe por algúns a Política, coma reacción en senso oposto. Emporiso, toda eisaxeración, d'unha e d'outra banda é unilateral e-equivocada.

A Política non é todo, mais é moi. Unha boa Política pode erguer á un pobo e unha mala Política pode afundilo. A bondade e a maldade d'unha Política, pende encol de todo, do seu axeitamento, o feito sociolóxico. Relegando á Política o seu verdadeiro papel de medio non por iso fica desprestigiada. Da capacidade do medio depende a comprida acadanza do fin. Quero remarcar ben iste punto; hai que eistructurar a Galicia esolleitando o medio mais axeitado. Este é o segundo presuposto.

Non cabe fundamental a Política en razóns metafísicas, transcendentales. D'outra banda, pra todo atoparíamos unha teórica xustificación. Asegún o punto en que nos situáramos, a ideia sempre filosófica de que arrincáramos, todo viría prenamente xustificado; e a discusión dos puntos primarios é cuestión irresoluble. Non hai sistema político efetivo, por trascordado e inadmisible que nos pareza in concreto, que non teña unha lóxica necesidade dend'o seu ángulo visual. Despois de todo elo, eu víñ a dar n'unha sorte de pragmatismo no orde político. Vento que a moltos non aquecerá esta posición míña. Moitos coídarán que hai un sistema político que encarna a única verdade, que é un resultado necesario e indesviabile dos principios fundamentales e verdadeiros: a democracia. Que iste sistema é o único que ten razoabel e lexítima xustificación porque deriva dos principios inmutabeis do ser humán etc. etc. Mais eu respostareivos que, A miña ollada histórica, isto non aparez senón como unha de tantas créncias pasaixeras, patrimonio efímero de nós, homes da cultura occidental, n'ista fase postrimera de civilización.

Pra mí, a Política non é mais que unha cuestión de política, e. d., de medios, de oportunidade, de comenencia, de eficacia. Ora, ningún sistema pode acadar a si o atributo da comenencia con exclusividade. Isto varía, troca cō tempo e o lugar e a xente. Non vaiades a crér — como por ahí tanto se pregoa — que a autocracia seña mais eficaz que a democracia. Porque hai que facer unha pregunta previa: ¿eficacia política pra qué? A contestación é: pra to-

dolos fins d'unha colectividade; non pra un sómente, sexa iste o da instrucción ou o da forza militar. E os fins á atinguir son moitos e complexos; e ademais hai falsos fins (v. gr. o da dominación colonial e imperialista). Por ista razón comprirá moitas vegadas sere democrata, pois n-iste senso a democracia será mais eficaz que a autocracia.

Pois ben, hai que sere autonomista, no caso da Galicia, porque somente n-unha eistroitación autonómica toparemos a eficacia que se require. Porque somente c-unha eistroitación autonómica Galicia dará de si todo o que pode. Porque desenrolará mellor o seu matiz cultural. Será un rendimento ó máximum. Porque a vida, —espritoal, económica—, mellorará. En fin, porque unha eistroitación autonómica é o medio político que mellor ll'acai.

Logo hai que vir adeusntro da nosa Terra. Tamén eiqui ten de escolleitárese o medio mais eficaz pra o fin comprexo de que falamos. Convirá pr'a Galiza —supónboa xa con eistroitación autonómica cara agora— unha eistroitación autonómica cara adrento? Este é punto delicado. Hai que ter deconte moi en conta a realidade, volto á repetir. E a realidade eiqui oferéscenos —é triste pero é certo— un panorama pouco fermoso. A inmensa maoria da poboación galega vive no agro; certo que moitos son pequenos propietarios mais non hai que se deixar enganar pol-a verba. Na sua situación de feito non se diferencian moito dos proletarios agrarios d'outras terras.

Tamén en Galicia hai o kulak, o usureiro, o que se vai quedando por hipotecas ou pacatos de retro coas leiras, e as colleitas e as casas dos probes. O kulak é o tirano; escraviza a i-alma e o corpo. A él hai que lle dal-o voto e canto pida; mangonea ceibe e senlleiro na aldeia. É o persoaxe inferior —de pequeno radio d'aición, mais de grande poder— da xerarquia caciquil. ora, qué passaría de conceder unha autonomía xeral, apriorística, uniforme a todal-as bisbarras, e municipios da nosa Terra? Eu estrévome á temer muito d'elo. A miña fórmula —n-esto coma n-outras cousas— é: autonomía ase-gún comenencia.

A razón eiqui está en que no fondal de to-

do —do sociolóxico— tópase o económico primario. En tanto non teñamos resolto este problema previo toda construción ten que ir, pol-a forza, no ar. Por medidas axeitadas, matizadas, técnicas o governo da Galicia ten de percurar énanentes de nada a emancipación económica do labrego e do mariñeiro. Non teño que determe á tratar d'istas medidas que teñen hoxe acadado na teoría e na práctica de moitos países un desenrollo xurdio: cooperativas, caixas de préstamos, pósitos, etc.

Nas grandes vilas e ainda nas medianas cíclicas non houbera nos máis dos casos iste perigo. Soe predominiar unha certa independencia económica e a concesión d'unha amplia autonomía non podía senón ser benfeitora en grande marxe. O municipio vilego —hei de decir de pasada que non compre, ó meu ver, admitir o municipio aldeán, senón a parroquia e as agrupacións de parroquias— frolecería libre e autónomo, coma comunidade natural, c'un máxim d'atribucións.

Coma se ve a miña concepción no orde a eistroitación da Galicia leva un senso de oportunidade, d'adaptación ó feito, micrométrica que poíderíamos decir; levar o senso da comenencia á todo os recantos, por miudos que sefan, da organización. Non xeralizar endexamais que o mundo é varfo; rixidez, nunca —nín no tempo, nín no espacio—. Certo que d'iste xeito a Política é difízil e complicada; pero é eficaz. Pra os que dirixen os Estados existe a suxestión do simpismo, dos patróns uniformes, más cómodos. Mais a verdadeira Política é o contrario de comodidade: estudo, traballo, sacrificio. Ollade que o país do mundo que desde fai xa tempo é o mellor gobernado, Inglaterra, vendo un sistema administrativo, unha organización complicada e matizadísima.

IV. A INFUENCIA DO SOCIOLOGICO NO POLÍTICO

Até d'agora vimos tratando d'unha cuestión de «deber ser»: que o político ten de percurral-a realidade e orgaízala d'acordo coa sua natureza. Veníamos agora á ver como se comporta de feito o político ante iste imperativo, no caso concreto da Hespaña,

Tenho pra mí que poucas terras haberá como as ibéricas donde a forma política estea mais alonxada de tal eisixencia. Un descoñecemento cando non un desprecio absoluto do dato sociolóxico priva na nosa estrutura política.

Dende a orgaización dos Poderes supremos do Estado até os mais pequeneiros detalles da orgaización ademanistrativa xurde, coma feito atergo, o mais radical divorcio coa realidade social. Fai xa moito tempo, moitos séculos, que o Estado español tense perdido. Veleiqui a razón única do noso fracaso hestórico.

Porque o sociolóxico non se somete tan doadamente á unha estrutura política inaxeitada. Pol-a forza, pol-a momentánea castación espiritual d'un pobo pode impórselle un réxime nocivo. E pasará tempo, a vida social esmorecendo na forma falsa que conta e agaña as súas arelas. Mais queda o «resentimento», a represión o refreno imposto, lá nos fondos caboucos da subconsciencia coleitiva. E a represión medra, e inza os espíritos e fina por reverquer, potente coma inundación, alén dos diques artificiais do constituído, ou por estoupar de súbito o efecto detonante d'un motivo levián. Eis o fatal, seguro, comportamento do factor sociolóxico. A réplica, o refluxo sobre o político.

Na Hespaña vimos tendo, xa dende anos, manifestacións no senso asinalado. De todal-as bandas, en todol-os tonos, Hespaña quer desfacer o que foi, o seu único buxeu. En tanto n-elo se centra toda a estrutura suicida do Estado español dende o XVI. Hespaña anda á buscárese á si mesma, perdida como andaba, estraviada e desfeita. Anda á buscar a súa forma comprida e afacente. Teníamos espranza de que se toparía.

Esta intranquillidade dos intres que vivimos, esta xeral arela que inza todol-os pobos ibéricos, como denantes os tres nacionalismos das tres terras norteiras son o síntoma derradeiro da nova edade qu'aborexa.

V. AIITUACIÓN ANTE UNHA ::POLÍTICA INAXEITADA::

Coma vos viña decindo, o problema máis

simo da Hespaña toda e moi singularmente o da Galiza é o do divorcio ante a realidade e a estreitura política. Ante elo o faktor social ten de reacionar. O que á nós compre é percurar que ista reacción sobrevenía o mais cedo posibre. D'este xeito os perigos serán menores, o perxuízo que aquello poida traxer non será tan grande. Hai que aceleralo proceso e salval-o enfermo o mais axiña.

Este é tamén un presuposto pra unha mais doada e mais perfeita estructuración da nosa Terra.

A concencia d'ista necesidade ten de se sentir fonda e fortemente. Hai que espertala en todol-os galegos, sentindo a dinidade humán do noso. O melloramento da Humanidade hase de realizar, non in abstracto senón eiqui e agora. Digovos de certo qu'eu desconfio moito dos homes que adamán a Humanidade abstractamente e percuran, tamén abstractamente, soerguela. Son adoradores infecundos d'unha idea da sua mente, d'un ente de razón, sin realidade.

A Humanidade é unha suma de todal-as pequenas humanidades de todal-as terras. Non hai outro medio de amar sanamente, verdadeiramente a Humanidade que amar os seus múltiples sumandos. Traballar pol-o progreso d'unha terra concreta é traballar por ela. Sómente eisi é o traballo eficaz e realismo. Cada un debe —sin xenreira nin odio pra as demás— traballar pol-a súa terra. Eis como o galeguismo é pra nós galegos da Galicia o único axeitado, fecundo, eficaz método de contribuir o erguemento da Humanidade enteira.

Por estar más preto de nós, por conocela mellor, por desenrolar n-ela a nosa actividade, é a laboura á facer por nós, traballadores galegos da Humanidade. Amo a Galicia que de vida culta e rica e libre pol-o noso esforzo dará a Humanidade enteira a sua ricura, Galiza do mundo. Eu ollo como as novísimas correntes da Política van por iste camiño. Como a esperanza rusa, a más interesante esperanza —en moito xa realidade acadada— da Política do noso tempo recolle ista invencible necesidade, e as entidaes naturaes do grande Estado ruso frolecen autónomas, libres pra o desenrolo do seu ser.

Acceleremos pois o proceso, endreitemos a

nosa rota, fagamos, coa nosa vontade, que o que debe ser, o que ten de ser, sexa o máis cedo. Que a nosa política sexa a que de certo acaia á realidade nosa.

Pra isto é mester — volto á decir — ser cada vegada mais galegos, amar o noso, traballar pol-o noso, que non é noso sómente, en propiedade, pero é noso en ademanistración.

Ora, como hai que se comportar, xa eisernamente, presupondo a laboría social de espertamento coleitivo, o cultivo o melloramento interno no senso da galeuidade en todos i-en cada un de nós? Suposta unha forma política vixente, inaxeitada e incomeñante, prantéase o problema da sua sustitución por outra comenente, eficaz. Hai pois que determinar o medio mais comprido pra imprimantazón d'un sistema novo. Problema de táctica, problema técnico.

N-istes problemas todo ten de subordinar-se á eficacia, ó fin, eiqui o atinguimento preño e seguro da imprimantazón da nova estroitura. Pois ben, con sinceridade, eu confio somente na acción direita. A ciraxía é sempre o medio máis craro, máis seguro, máis comprido. Á larga tamén o que eisixe menos dóres e molestias, menos sagrifizo, máis pronta i-económica solución. Toda compoñenda, que semella mais forratibre, é ó fin de contas más cara. Hai a diferencia qu'eisiste antre un sagrifizo forte e rápido e un sagrifizo lene mais duradeiro, que está pin-gando arco, facendo, ademais, difícilmente acadábre o fito. É más caro ir botando mendo tras mendo á unha casa vella pra facela confortabre que derrubala i-erguer unha nova, dend'o teito ós cimentos. E ademais a diferencia entre o atinguido nos dous casos. Hai que botar abajo casque todo o eisistente e construir de novo. Violentamente.

VI. DIREITRIZES

Cousa que me semella de importancia máisíma na eistroitización autónoma da nosa Terra é a determinación das competencias que lle teñen de pertencer ó poder galego. De ren valeria acadar unha autonomía manca. O problema seguiría en pé si antre as competencias do goberno da Galicia non figurases as de primeira liña pra o seu des-

enrolo comprido. E témome moito qu'isto fique sen atingir.

Hai primeiro a cuestión da vida material, da mantenza. Denantes de nada téñese qu'acadar o fin de xusticia social, de igualdade económica. A esto debe tender, en primeiro termo, toda actividade política. Traballo, único factor valorativo. Estroición de toda caste de privilexios basados en razóns d'outro orde. Privilexios somente pra o traballo, que xa non o serían.

En pais probe, n-onde a xente viva mal, n-onde se xante mal, non pode esperarse auténtica liberdade. Esto é ben sabido. Ora pra que a laboura sexa completa debe ter o Poder rexional un marxe amprísimo d'aición n-iste respeito. Sen perxuizo da tarefa de integración e harmonía total no económico que é da natural competenza do poder central, o Goberno da Galicia debe ser prenamente libre en todo o respeitante á nosa vida económica.

Outra cousa que é fundamental pertesza ó poder autónomo da Galicia é todo o que se refira ó desenrollo cultural. Si dependéramos d'outra terra en algo que tan ligado está coa formación do noso espírito, non sería posíble chegar axeitadamente ó fin de máisima e perfeita situación das nosas posibilidades culturales. O noso desenrollo cultural ha tel-o senso e o matiz noso. Longos séculos d'es-prencia triste en Galicia din ben craro canto e de afogadora a entrega en máns alleas da chave da nosa educación e da nosa cultura. E non temos dereito á privar ó mundo d'un matiz cultural qu'o enrequenta en calidade!

Incremento da nosa vida cultural en intención i en eistensión. Pero, sempre, asegún a nosa maneira. Protección, axuda i-estímulo pra toda laboura artística ou científica, pra toda entidade que taes fins se propóna, fecundando e vitalizando a iniciativa privada. E por diante sempre o erguemento e a dinificación e a difusión e o cultivo da nosa lingua, a mais xurdia eispresión da nosa i-alma coleitiva, a corporeización da nosa unidade como entidade cultural.

Calquer outro xeito de competencias podería deixar o poder galego. Estas duas, non. Perpetuaríamol-o erro histórico. Galicia seguiría trabada, coutada, agañolada.

Nomes galegos da "Dixitalis Purpúrea L."

POR F. BOUZA-BREY

POLO final da primaveira, comenzañ as frores roxas da «dixitalis» á pendurar ledamente do varal en que asentan e non hai en toda a terra galega recanto que elas non decoren nin corredoira que elas non velreen graciosamente por cáseque todo o vrán. O Pae Baltasar Merino na sua «Flora...» descrebe a pranta de iste xeito:

«Perenne o bienal de $\frac{1}{2}$ a 1 m. de altura, más o menos cano-tomentosa; tallo erguido, robusto, fistuloso y a menudo ramoso; hojas aovado oblongas o aovado-lanceoladas, apiculadas, festonado-dentadas, tomentosas y rugosas por el envés, las inferiores y medias pecioladas, las superiores casi sentadas; flores grandes, colgantes, en racimo laxo, alargado, ladeado; brácteas ovaladas o aovado-lanceoladas; pedículos patentes o encorvados de la longitud de las brácteas y de los cálices próximamente; divisiones del cáliz aovado-oblongas, siendo más angosta la posterior; corola purpurina señalada con pintas rojas rodeadas de cerco blanco en el interior que es pubescente; lóbulos del limbo ciliados, el inferior más largo que los otros tres; estílo purpúreo o violáceo, pubescente; caja aovado-cónica pubescente, poco más larga que el cáliz; semillas pardas alveoladas» (1).

Pertence à familia das escrofulariáceas, xénero «dixitalis» de Linneo e a popularidade que acada na etnografía nosa ben merez fique consignada a descripción científica devandita. Coñécese duas variedades en Galiza cuio estudio intresa ós botánicos especialistas.

Mais nós, agora, prescindimos das creencias populares que asinan virtude á ista pranta contra meigas e trasnos quenes deixan de entrar nas vivendas en vendo aduviad-alas portas das casas no dia de San Xo-

hán cos seus ácios purpuriños que son ó mesmo tempo agoiro de felicidade (1), e damos n-esta nota a variedade de nomes que levamos recollidos dos beizos do pobo galego pra desfiar o noso vexetal.

Son istos: *Abrula*, *aveluria*, *alcroques*, *balocos*, *bilitroques*, *bilincroques*, *bilitroques*, *clóques*, *cócalos*, *cocos*, *crocas*, *estralantes*, *estraloques*, *estralotes*, *estraleques*, *palitroques*, *sanxoháns* e *troques*.

Do eisamen de tal nomenclatura resulta que as duas primeiras formas parecen referirse á pranta no seu conxunto namentres que as demás fan referencia ás frores en espazal.

Podemos agrupar os nomes de iste xeito:

1.º NOMBRES QUE SE REFIREN A TODO O VEXETAL.

Abrula;
Aveluria.

2.º NOMBRES QUE FAN REFERENZA ÁS FRORES COS SUBGRUPOS SEGUINTESES:

a) NOMBRES ORIXINADOS POL-A ÉPOCA DA FLORESCENZA,

Sanxoháns (2).

b) NOMBRES DERIVADOS DO VERBO «ESTRALAR», POL-AS RAZONS QUE DIREMOS:

Estralantes.

c) NOMBRES ONOMATOPÉICOS IMITANDO O SON PROducido pol-o estralido das frores:

Adcroques;
Clóques;
Cócalos;
Cocos;

(1) O P. Merino di que o aduviar, en Fonsagrada e outras partes, as casas o dia de San Xoán cos ácios frutecidos da «dixitalis» é agoiro de felicidade e preservativo de meigas e trasnos que non entran nas vivendas.—(Op. cit. pág. 92, nota).

(2) Merino coñéce que o nome *sanxoháns* provén do costume a que se fai referencia na nota anterior.—(Vid. loc. cit.).

(1) Baltasar Merino, S. J. «Flora descriptiva e ilustrada de Galicia», T. II.—Santiago, 1906, pág. 92, a seguintes.

Crocas;
Troques

d) NOMES COMPOSTOS FORMADOS POL-A UNIÓN DOS GRUPOS E SUBGRUPOS; COS APARTADOS QUE SEGUEN:

a) NOMES FORMADOS CA XUNTANZA DE UNHA RAIZ ORIXINARIA DO GRUPO 1.^o E O NOME ONOMATOPEICO:

Balocos;
Belitroques;
Bilincroques;
Bilitroques;
Palitroques.

b) NOMES FORMADOS CA XUNTANZA DO VERBO «ESTRALAR» E O NOME ONOMATOPEICO:

Estraloes;
Estralotes;
Estraleques.

Ista grande variedade de nomes que o pobo galego lle dá á pranta silvestre que ben podeira ser a sua predilecta, só foi empregado en pequena parte polos escritores. Ainda Rosalia, encadrando a sua escelsa imaxinación no marco homildoso de un léxico ruín, descoñeceu ista gama onomástica e empregou a verba erudita na inspiradísima poesía descriptiva do mosteiro de San Lourenzo de Compostela, cando di que

*No profundo da fonte escondida
Medraban con libertade,
Antre as silval as violas
Antre o buxo, dixitales,... (1).*

Modernamente, Noriega Varela fai uso de un dos nomes mais enxébres de todolos devanditos pra desíñar á nosa pranta chamándolle

Xoiña dos veirales, linda abrula,...

e nós puxemos os *bilitroques*, n-unha nosa poesía, aludindo á «*digitalis*».

(1) Rosalia Castro de Murguia, «*Folias Novas*». — Habsburga, 1880, pág. 207.

A verba *abrula*, parez ser empregada en terras de Ourens; *aveluria* foi recollida por Merino e nós de il a tomamos (1), así como *alerque*, *balocos* e *bilincroques*, son nomes de Lugo; *bilitroques* e as suas variantes son bastante coñecidos en toda Galiza e nós recollimos a primeira en Vilagarcía; *cócalo*, que nos parece a mais poética de todalas formas e a mais dina con *abrula* e *bilitroque*, de pasar ó linguaxe literario, procede de Montillón, Souto, concello d'A Estrada, de cuías parroquias de Arca e Somoza vinieron *cloques* e *crocas*, respectivamente. *Sanxoháns* é propio das terras de Cotobade (2).

Quenes mais coñecen iste vexetal dos nosos campos son os rapaces que xogan cas freres. Aproveitan a sua feitura tubular pra faguelas estralar pechando previamente cos dedos índice e pulgar a corola pol-a banda que está aberta e comprimindoa rápidamente cara o outro extremo que permanece collido polos mesmos dedos da outra man. O sonido que con ista operazón se produz é mui semellante a /clóc! de onde derivan as formas aludidas denantes.

Asegún isto o nome *cloques* sería o que mellor observaría o fenómeno acústicamente.

Finalmente diremos que o nome vulgar *dedalera* con que é coñecida en Castela ista pranta non parece ter correspondenza entre nós, e por tanto, tampouco a ten o vocabulo culto «*digitalis*» (*digitus*, dedo) da mesma sifificación, sendo curioso observar como o pobo galego non foi impresionado pola forma da corola, quizáves pola abundosidade de especies da familia das escrofulariáceas, que a presentan semellante.

(1) Op. cit. T^o. III, pág. 573.

(2) O nome de *palitroques* topónimo en Marcial Palafox. «Diccionario gallego-castellano». — Santiago, 1884, pág. 518. — e nou nos parece dixo de ser tomado en conta pur canto ó corrupto de *bilitroques* por semellanza fónica das duas verbas xa que en idioma galego desíña a primeira calquer paixón pequeno e maliás concretamente os de tocar o tamboril.

Tampouco nos parece exacto o que Vailadares di no artigo cit. respecto a que os estralidos que os rapaces fan dar as corolas das nosas frades sexan por golpes contra da frente ou da pulma da man, non somente por que nós nunca o fixeremos nin o oímos facer de tal xeito na nosa nenez, senón porque a configuración da base da corola nos-o permite.

As que se fan estralar por tal procedemento sun as folias da rosa.

LEABHAR GABHÁLA

LIBRO DAS CONQUISTAS D'IRLANDA

CAPÍDOO XIII

(Remate).

Da toma do reino da Hespaña por Donn, fillo de Mil e por Eremhon, do seu irmán, despois da morte do pai; da vida de Ith fillo de Breoghan a Irlanda, e da sua morte polos Tuatha de Dannann. Da vida dos fillos de Mil pra vingalo, das batallas que foron rifadas antr'iles, da división d'Irlanda entre Eremhon e Emer Finn, dos fortes ergueitos por iles na Irlanda é eignt relatado.

163. Despois da morte de Mil, coma temos dito, Emer Donn e Eremhon, seus dous fillos tomaron o regimento e principal governo da Hespaña antr'os dous.

164. Ali había un irman do pai de Mil, Ith, fillo de Breoghan co-iles; era esperto e cumprido na cofieccencia e istrución. Unha vez no intre en que Ith n'un craro serán d'inverno, estaba no outo da torre de Breoghan, contemprando e fitando os catro cadrantes, pareceulle que via unha sóma e semellanza d'unha terra e ergueita insua aló no longe. Baixou ond'os seus irmans e relatoullas o que tiña visto; e dixo qu'estaba vigiante e cobizoso de ver a terra que ll'aparecera. Breg, fillo de Breoghan, dixo que non era terra o que vira, senón nubens do ceo, e qu'éralle embarazoso o ir a tal expedición. Mais il non consinteu en quedar.

165. Enton trouxo o seu barco ao mar, e meteu-se n'il co seu fillo, Lugaid fillo d'Ith, e outros do seu pobo. Navegou car' Irlanda, e as suas aventuras no mar non son relatadas, senón somentes que coleron achego en Brentracht de Magh Itha. Os vecíos viñeron a ribeira a interrogalos e cad'un d'iles refireu novas ao outro en scotica lingua. Ith reguntou o nome da terra a que viñeran

dar, e quen tiña autoridade sobr'ela. «Inis Elga», dixerón iles, «Mac Cuill, Mac Cecht e Mac Greiniu os nomes dos seus reis.»

166. Aconteceu no dia aquil qu'estaban moitos chefes e nobres d'Irlanda en Ailech Neid, pondo paz antre Mac Cuill e o seus irmans. Porque dicfan qu'il tiña demais dos bens de Fiachna fillo de Dealbeath, que tiña morto enantes. Cando Ith ouviu aquelo marchou co seu fillo e con dous tercios do seu pobo pra Ailech. Os reis acollérono cando chegou á asambreia, e despois qu'estivo un pedazo antr'iles, contaronlle o asunto sobre do que andaban en oposición e contención, e a causa da sua juntanza e asambreamento n'unha plaza. Ith pasaba aos jueces d'aquil tempo en esperteza; e asosegou toda porfia e contención antr'iles. E dixolle:

167. «Facei justa reitude. E' comenente pra vós mantéredes unha boa irmandade. E' justo pra vós ter unha boa disposición. Boná é a vosa terra e o patrimonio qu'ocupandés; abondosa a sua colleita, o seu mel, o seu peixe, o seu trigo e todo o seu outro grao. Moderada a sua calor e o seu frio. Todo o qu'abonda pra vós haino eiqui.» Entón despideuse d'iles e foi pra o seu barco.

168. Os nobres determinaron de matalo, de ciume pol-a Irlanda, e pol-o testemoio d'aprecio que dera da insua; e mandaron moita gente atrás d'il, tanto que foi ferido de morte en Magh Iotha, tanto que d'il colleu o chao o seu nome. Chegou ao seu navio ferido e sangrando, pol-o valor e braveza do seu pobo; asi morreu coiles no seu navio, riba do mar.

169. Cando chegaron á Hespanha e amos-traron o corpo d'Ith aos seus irmans, illes foron anguriados e dooridos pol-o seu morto. Enton os fillos de Mil e a posteridade de Gaedhel en geral matinou qu'era comen-

te e propio pra illes o ir vingal o seu irman nos Tuatha de Danann. Decidirono por fin, Ajuntaron os seus guerreiros e os seus homens de valor de todos lados ond' estaban, pol-as terras e distritos, ata qu'estiveron n-unha plaza en Brigantia, numerosos e de cheo ajuntados. Enton os fillos de Mil, cos seus irmans e parentes e o seu pobo en geral, botaron seus navios ao mar pra iren a Irlanda a vingal-a ruín acollida dós Tuatha De Danann. Tres ringleiras e cinco navios eran a conta da expedición; corenta chefes o número dos seus condutores, con Donn fillo de Mil á cabeza. Iste son os nomes dos seus chefes:

Emer Donn	Muimne	Emer fillo d' Ir	Lughaidh	Caicher
Eremon	Luighne	Bregha	Lui	Suirge
Eber Finn	Laighne	Cuala	Bile	En
Ir	Palap	Cuailnge	Buas	Un
Aimirgin	Er	Bladh	Bres	Eatan
Colptha	Orba	Fuad	Buaighne	Sobairce
Airech Febra	Feron	Muirthemhne	Fulman	Sedga
Erannan	Fergin	Ebhlinne	Mantan	Goisten
		Nar		

Os dez derradeiros d'istes chefes a saber: Fulman, Mantan, etc., eran campeós.

170. Pra comemoral-os nomes d'aquiles chefes e guieiros isto foi dito; Flann o compuxo:

- a Os chefes da viage sobr'o mar, por quen os fillos de Mil viñeron, andiven recollendo toda a vida, os seus nomes sen lixo.
- b Donn, Eremon, o nobre Emer, Ir, Aimirgin sen parcialidade, Colptha, Airech-Feabra o agudo Erannan, Muimhne fino e pulido
- c Luighne, Laighne, Palap o ditoso Er, Orba, Feron, Ferghin, Eber fillo d' Ir, Breagha, eu direi Cuala, Cailnge, Bladh barudo e forte.
- d Fuad, e Muirteime con scna, Ebhlinne, Nar, e Lughaidh, Lui, e Bile, Buas con loita, Bres, Buaighne, e Fulman.

e Manntan, Caicher, o lanzal Suirghe, En, Un, e o severo Etan Sobairce, Sedga o da lanza E Goisten o campeón.

f Illes conqueriron a nobre Irlanda contr'os Tuatha De de penoso horror en vinganza d'Ith o dos corceles trinta, dez, e un chefe.

171. Canto aos fillos de Mil, navegaron na gran expedición na mar d' Irlanda, e non pararon na carreira ata que viron a distancia a insua do mar. E cando viron Irlanda, os seus guerreiros andiveron á competencia remando e navegando o mais adiante na sua cobiza e anceio de chegar; tanto que Ir fillo de Mil avanzou unha ola a todol os navios pol-a sua forza e valor. Asina Eber Donn fillo de Mil, o mais vello d'illes, tivo ciume e dixo:

«Non está ben feito
Qu' Ir vaia diante d'Ith»
ou sexa, diante de Lughaid fillo d'Ith, porque Lughaid ten o nome d'Ith. Enton o re-

mo que estaba na man de Ir crebouse, asi que Ir caíu pra trás no travesero, tanto que ali partiu o espiñazo en dous; e morreu á noite seguinte, e iles conservaron o seu corpo namentras andiveron pol-o mar, ata que o enterraron despois en Sceillic de lorrails Deiscert de Corco Duibhne. Cheos de pena foron Eremhon, Eber Finn e Aimirgin pol-a morte do seu irman; e dixerón a unha, qu'era justo qu'Eber Donn non gozara da terra sobre de que tiña enveja do seu irman, ou señá d'Ir.

172. Os fillos de Mil tomaron terra en Inbher Stainghe. Os Tuatha De Danann non aturaron que viñeran tomar terra ali, porque non tiñan mantido parlamento coiles (?) Iles fixeron pol-a sua druideiría que non aparecería aos fillos de Mil a rexión non era comarca ou illa, territorio ou terra diante d'iles. Iles arrodearon Irlanda tres veces ata que por fin tomaron porto en Inbher Scene; en terza feira, en canto ao dia da semán, no dia antes das Calendas de Maio, o decimoséptimo dia da lua; *Anno Mundi* 3500.

173. Enton chegaron ao cabo de tres días a Sliabh Mis. Banba topounos en Sliabh Mis, coa hoste de druideiría e d'astucia. Aimirgin preguntoule o seu nome. Ela dixo «Banba», dixo ela, «e é do meu nome que Banba é nomeado com' un tidoor pra esta bisbarra.» E ela demandoulle unha petición, qu'o seu nome quedara pra sempre na insua. O que lle foi concedido.

174. Despois iles tiveron conversa con Fodla en Eblinne, e o poeta Aimirgin pergunto o nome d'ela do mesmo xeito. «Fodla» dixo ela, «e por min é esta terra nomeada». E pregoulle qu'o seu nome poidera ficar ali, e foille concedido.

175. Iles parolaron con Eriu en Usnech de Midhe. Ela dixolle: «Guerreiros» dixo ela «benvida a vós. Hai tempo qu'a vosa chegada está predita. Vosa ha ser a insua pra sempre. Nona hai millor no mundo. Non haberá raza mais perfeita qu'a sua.»

«Ben está iso,» dixo Aimirgin. «Non a ela damos gracias por elo,» dixo Donn, «senón

aos nosos deuses e ao noso poder.» «Elo é nada pra ti,» dixo Eriu, «ti non terás proveito da insua nen teus fillos. Un don pra min, ou fillos de Mil e fillos de Breoghan, qu'o meu nome poda ficar n-esta insual.» «Ha ser o seu principal nome pra sempre» dixo Aimirgin, «principalmente Eriu.»

176. O Gaedhil foi pra Temair. Agora Druim Cain era o seu nome, no tempo dos Tuatha De Danann, mais Liathdruim era o seu nome antr' os Fir Bolg. Estaban tres reis diante d'iles en Liathdruim, a saber Mac Cuill, Mac Cecht e Mac Greine. Os fillos de Mil demandaron batalla de realeza ou julgamento d'iles.

177. Iles sentenciaron aos fillos de Mil qu'iles terían posesión da illa, ao cabo de nove días marcharen, rendirentse ou presentaren batalla. «S'o meu pensar fora seguido» dixo Donn fillo de Mil «é unha batalla o qu'habería». Os fillos de Mil non asentirón ao aplazamento buscaron aos Tuatha De Danann. «Nós dámossos, dixerón os reis, o julgamento dos vosos propios poetas, porque s'iles dan un falso julgamento contra de nós, iles morrerán dos nosos elementos (?) na deshonra». «Dá o julgamento, Aimirgin,» dixo Donn. «Eu falo esto» dixo Aimirgin. «Sea a terra deixada a iles ata que nós venhamos de novo por forza.» «Onde imos ir?» dixo Eber Donn. «Riba de nove olas,» dixo Aimirgin: e dixo asina:

Os homes qu'atopáchedes son de posesión(?)
riva de nove aguzadas (?) olas
do mar adiantade vos:
Coma non señá por voso poder (enton) esta-
[brecido]
prepárese aixiña a batalla (?).
Eu cedo a posesión
se vós queredes acoller (esta) sentencia
se vós nona queredes acoller:
non son eu quen digo (esto) a vos.

178. «Se fora o meu consello o que se fixera» dixo Donn fillo de Mil, «habería batalla.» Non embargante os fillos de Mil foron polo aviso e julgamento d'Aimirgin de Liathdruim a Inbher Scene, o lugar onde tiñan

deixado as suas naos; ata que pasaron riba de nove olas. «Confíemos nos poderes», dixeron os druidas, «qu'iles nunca poidan chegar a Irlanda.» Coisto os druidas botaron ventos druídicos atrás d'iles, tanto que o fondo d'area era levantado ata a supreficie da mar, tan grande era a tromenta, e tanto a tromenta os colleu car 'o Oeste no oceano, ata qu'iles foron cansos. «Un vento de druidas é iste» dixo Donn fillo de Mil. «Éo sen dúbida,» dixo Aimirgin, «comá non seña

mais outo qu'o palo; vai mirar, pra nós, se é asina.» Erannan, o mais novo dos fillos de Mil, foi ao outo do palo e viu que nono había por riba d'il. Coisto caiu nas táboas do navío dend' o palo, tanto que rompeu os membros.

179. «Unha vergonza pra os nošos homes instruidos é isto,» dixo Donn, «non contel-o druídico vento.» «Non ha ser vergonza» dixo Aimirgin erguéndose, e dixo:

Eu invoco a terra d' Irlanda
Moi sulcado seña o fértil mar,
Fértil seña a montaña coberta de froitos,
Coberta de froitos seña a choviflora selva,
Chovifloso seña o río de cadoiros,
De cadoiros seña o lago de fondo leito,
De fondo leito seña o recinto do cumbe do outeiro
Un recinto de tribus seña a asambreia,
Unha asambreia de reis seña Temair,
Temair seña un outeiro das tribus,
As tribus dos fillos de Mil,
De Mil o dos navios, as cortizas
Que a outa cortiza seña Irlanda,
Outa Irlanda, escuramente [cantada]
Unha encantación de gran astucia,
A gran astucia das mulleres de Bres,
As mulleres de Bres, de Buaigne;
A gran señora Irlanda,
Eremon conquireuna,
Ir, Eber apelidaron por ela.
Eu invoco a terra d' Irlanda.

180. Unha tranquila calma veu a illes no mar no mesmo instante. Dixo Donn: «Eu porei baixo o gume das lanzas e espadas os guerreiros qu' están na terra agora, somentes deixádemme terra.» O vento medrou de novo, tanto que arredou d'iles o navío no qu'iba Donn e foi solagado no Dumhacha. Vinte-catro guerreiros de valor, doce mulleres, e catro mercenarios co seu pobo, era a conta dos que foron solagados con Donn n'aquela nao. Despois d'isto, Donn foi enterrado no Dumhacha; tanto que d' il é chamada «Casa de Donn» e ali está a sua propia mámoa e as mámoas de todos os que foron afogados dos chefes do seu pobo coil, no devandito lugar. Agora Dil, filla de Mil, Eremon enterrouna pol-o amor que tiña por ela, tanto que dixo

pónolle unha presa de terra. «Esta é unha presa de terra n-unha amada,» dixo il. Iste son os chefes que s'afogaron con Donn n-aquel tempo: Bile fillo de Brighe, Airech Febra, Buas, Breas, e Buaigne. Ir foi enterrado en Sceillic de Iorras, coma dixemos enriba, Erannan morreu na enseada despois d' ir contemplal-o vento, e depois crebando os seus ósos na coberta. Oito capitás-foron as suas perdas d' antre os seus nobres ata entón.

181. Na noite en qu' os fillos de Mil viñeron a Irlanda [foi] o reventamento de Loch Luighdech sobr'a terra en West Munster. Cando Lughaidh, fillo d'Ith, s' estaba ba-

fiando no lago, Fial, filla de Mil, a sua muller estábbase bañando no rio que cola fora do lago. Lughaidh foi ao lugar ond'estaba a muller estando encoiro; e cando ela o viu

d'aquil geito, morreu de vergonza, e entón de ella é chamado o rio co-a sua enseada. Desfeito era Lughaidh despois da morte da muller, e asina dixo:

- 182 a Sentémonos eiqui sobr'a ribeira,
tempestoso o frio,
rechinando os meus dentes —unha gran tragedia
é a tragedia que m' aconteceu.
- b Eu cóntovos unha muller morreu
a quen a sona manifica;
Fial seu nome, de un guerreiro a desnudeza
sobr'a limpa area.
- c Unha morte é a morte que m' atingiu
feramente abateume;
a desnudeza do esposo, ela mirou n'il
que ficou eiqui.

183. Seis mulleres dos seus nobres foron suas perdas no mar e terra dende que partiron da Hespaña deica entón. Iste son os seus nomes: Buan, muller de Bile; Dil, muller de Donn; Scene a satírica, esposa de Aimirgin Branco-gionillo (ela morreu coiles no mar namentras viñan a Irlanda; así qu'Aimirgin dixo, «O porto onde collamos terra, o nome de Scene será n-il.» Isto foi certo, porque d'ela é nomeado Inbher Scene). Fial muller de Lughaidh fillo d'Ith; a muller d' Ir, e a muller de Muirtheimne fillo de Breoghan, foron as outras duas.

184. Cand' os fillos de Mil chegaron á terra na enseada que deixamos menzoado, e cand' houberon enterrado a tropa dos seus nobres que tifan morto antr' iles, Eremon e

Eber Finn dividiron a flota cos seus capitás e serventes en duas partes antr' iles. Eremon navegou despois d' isto con trinta naos deixando Irlanda a man esquerda e arribou a Inbher Colptha. Iste son os capitás qu' iban coil: Eber fillo d' Ir, Aimirgin o poeta, Palap, Muimhne, Luighne, Laighne, Bregha, Muitheimne, Fuad, Cuialnge, Colptha, Goisten, Setga, Suirge e Sobhairce. Os tres darradeiros eran campeós. Iste eran os esclavos qu' estaban con Eremón: Aldhene, Ai, Asal, Mide, Cuibh, Cera, Ser, Sian, Lighen, Dul, Tregha, Line.

185. Avanzando o seu pé derecho en Inbher Colptha, foi cando Aimirgin dixo a rapsodia:

Eu son o vento no mar.
Eu son unha ola no oceano.
Eu son o balbor do mar.
Eu son un poderoso boi.
Eu son un falcón no penedo.
Eu son unha pinga d' orballo no craror do sol.
Eu son...
Eu son un porco bravo de valor.
Eu son un salmón na laga.
Eu son un lago n'unha chaira.
Eu son a forza da arte.
Eu son unha lanza con despoxos que move batalla.
Eu son un home que fai lume por unha testa.

Quen esprica a silla de pedra da montaña?
 Que o lugar no que repousa o sol?
 Quen viu paz sen recear sete veces?
 Quen apelida os cadoiros? (?)
 Quen trai o seu gando da casa de Tethra?
 A quen favorez o gando de Tethra? (?)
 Que persoa, que deus,
 Fai armas n-un castelo? (?)
 N-un castelo que mantén satíricos,
 Canta unha petición, divide as letras d' Ogham,
 Arreda unha flota, ten cantado loubanzas,

 un sabio satírico.

186. Il cantou despois pra que medraran os peixes nas badias:

Mar cheo de peixe—
 fértil terra—
 reventar de peixe—
 peixe debaixo da onda—
 con carreiras de paxaros—
 duro mar—
 unha branca sarabea—
 con centos de salmós—
 groseira balea—
 unha balada de porto—
 un reventar de peixe.

187. Tocantes a Eber Finn fillo de Mil, estivo no sul, con trinta naos coil, ata que viñeron despois a hoste das batallas que foron rifadas antr' iles e os Tuatha De Danann. Iste son os capitás qu' estaban con Eber, Lughaidh fillo d'Ith, Er, Orba. Feronn, Fergna, os catro fillos d'Eber, Cuala, Blad, Ebleo, Nar, En, Un, Etan, Caicher, Mantan, Fulman. Os seis derradeiros, En, Un, etc., eran campeóns. Iste son os esclavos qu' estaban coil: Adhar, Aighne, Deisi, Deala, Cliu, Morba, Fea, Liffe, Femen, Feara, Medha, e Olba.

188. Cand' os fillos de Mil chegaron a un lugar, non fixeron demoranza ata non chegaren a Sliabh Mis; e a batalla de Sliabh Mis foi rifada antr' iles e os Tuatha De Danann, asi qu' a vitoria foi cos fillos de Mil, e moitos dos Tuatha De Danann foron matados n-aquela batalla. Foi ali onde Fas, muller de Un fillo de Uicce, cafu, de quen é nomeado

Glenn Faise. Scota, muller de Mil cafu no mesmo val; d' ela é nomeado «cova de Scota», antre Sliabh Mis e o mar. Os fillos de Mil foron despois a Tailltin, outra batalla foi rifada antr' iles e os Tuatha De Danann ali. Feramente e con ardido corazón se rifou, porqu' iles estiveron dend' a mañan á noite combatendo desmembrándose e mutilándose uns aos outros; ata qu' os tres reis e as tres raíñas d' Irlanda ali morreron. Mac Cecht, por Eremón, Mac Cuill por Eber Finn, Mac Greine por Aimirgin, Eriu por Suirghe, Banba por Caicher, e Fodla por Etan. Iste foron as mortes dos seus chefes e princepes. Despois d'esto os Tuatha De Danann foron botados ao mar, e os fillos de Mil e a sua hoste estiveron longo tempo seguindolles o rastro. Ali cairon, non embarcante, doux nobres chefes do pobo dos fillos de Mil que contribuíron á derrota, á saber; Fuad en Sliabh Fuad, e Cuailnge en Sliabh Cuailnge, juntamente c' outros guerreiros acarón seu, que morreron juntamente d' entrambas bandas. Cando os Tuatha De Danann foron aniquilados e botados nas batallas que foron rifadas antr' iles, os fillos de Mil colleron o señorío d' Irlanda.

189. Despois d'isto erguéuse unha competencia antr' os fillos de Mil pol-o reinado, ou seña antr' Eremón e Eber, tanto qu' Aimirgin foi traguido a pôr paz antr' iles. Asina dixo il qu' o herdamento do más nobre, de Donn, dérase ao más novó, a Eremón, e o herdamento d' iste a Eber despois d' il; Eber non acetou isto, senon qu' insistiu en dividir Irlanda. Eremón conformouse en facelo. Ir-

landa foi dividida en duas antr' illes despois d' isto: a mitade contra o Norte pra Eremon, dende Srubh Brain ao Boyne e a mitade contra o Sul pra Emer, dend'o Boyne a Tonn Chlidna. Había cinco capitás na división de cada un. Con Eremon primeiro, Aimirgin, Sedga, Goisten, Suirghe e Sobhairce. Agora n-ist' ano istes castelos foron ergueitos por Eremon co seu pobo: Rath Beothaigh, por riba do Nore, en Argat Ros; Rath Oinn, no territorio de Cuala, por Eremon; o Causeway d' Inbher Mor no territorio d' Ui Enechglais, por Aimirgin; a construcción de Dun Náir, en Sliabh Modhoirn, por Goisten; a construcción de Dun Delginse, no territorio de Cuala, por Sedga; a construcción do seu castelo por Sobhairce en Morbolg de Dal Riada; a construcción de Dun Edair por Suirghe. Istes son os castelos ergueitos por Eber e istes os capitás qu' estaban coil: Etan, Un, Mantan, Fulman e Caicher foron os seus capitás. Rath Uamhan, en Leinster, foi ergueito por Eber; Rath Arda Suird por Etan, fillo de Uicce, a construcción de Carrig Blaraighe por Mantan; a construcción de Carrig Fethaidhe por Un fillo de Uicce; a construcción de Dun Airdinne por Caicher; a construcción de Rath Rioghvard, en Muiresc, por Fulman.

190. Así que pra comemoración de certo das ditas cousas foi dito:

- a A expedición dos fillos de Mil polo mar dend'a Hespaña de craros navíos, tomaron, non é feito de falsia, o chao da batalla d' Irlanda n-un dia.
- b Esta é a conta dos qu' iban no mar con moitedume de caudal e gente a brava ostentación Deus os trouxo con sesenta e cinco escollidos baixeleis,
- c Tomaron terra na nobre enseada que é chamado o branco baluarte; foi unha causa de doenxa, un intento [sen fracaso da vista do guerreiro Lughaidh.
- d Dend' entón dend' esto adiante a enseada de Fial de generosas bandas dend' o dia en qu' ela morreu en branca [Banba

Fial, filla de Mil da Hespaña.

- e Ao cabo de tres dias, brillante preparación, os Tuatha De rifaron a batalla de Sliabh Mis, groria sen fra- [caso contr' os grandes fillos de Mil.
- f Illes venceron, sentenza sen reproche, a batalla contra da loira Banbha, onde morreu Fas, trenzada en verso, coa moi fermosa filla de Pharaon.
- g Enantes de finar un ano, era duradei- [ra sona antr' os capitás da pesada hoste, en duas veces seis divisões, unha pla- [cente carreira, illes despois dividiron Irlanda.
- h Riba do lado norte, un camiño sen [pena; Eremon era tomado com' outo prin- [cipe; de Srubh Brain, cuios versos sobre todal-as tribus de Boyne.
- i Istes son os cinco gardiás de governo que o quixeron acompañar; Aimirgin, Setga tamén Goisten, Sobairce, Suirge.
- j Eber, fillo de Mil gracia abondoso, colleu a mitade sul; dend' o eterno Boyne, escolleu a parte á onda da filla de Genann.
- k Istes son os cinco con centos de faza- [ñas os chefes qu' estaban subordinados a il; Etan, e Un de ledo governo, Mantan, Fulman e Caicher.
- l N-iste mesmo ano os reales fortes foron cavados (dug) polos fillos de Mil, honra de prendas despois da chea división da illa d'Irl- [landa.
- m Rath Oinn, Rath Beothaigh eiqui, por Eremon en Argatros; en Sliabh Mis, despois de series de [agoiros a construcción de Dun Nair por Gosten.

- n Suirghe amplamente extenso, a quen
[desplegou o valor,
ergueu o outo Dun Edar;
e a fundación, unha groriosa empresa,
da sua fortaleza por Sobhairce.
- o Por Emer de brilante valor, foi cavado
Rath Uaman no chao de Leinster;
Rath Arda Suir, elo enrequentouno,
foi cavado por Etan, fillo de Uicce.
- p Rath Carraig Fetha asina,
foi feita por Un, fillo de Uicce;
e por Mantan, un grorioso feito
a fundación de Carraig Blaraighe.
- q Rath Rioghbaird no bon Muiresc
o moi agudo Fulman o ergueu
Caicher dasbatallas, unha placente rea-
[lización
tomou Dun Iane no Oeste d' Irlanda
- r Iste son os seus feitos de valor,
da crara, groriosa, gran hoste real;
era unha gran empresa, despois da ba-
[talla sen mancha;
a iles era cada proveito, cada expedi-
[ción.

191. Das aventuras do Gaedhil, dende o tempo en que veu da Scythia ata que tomou Irlanda, e a división d' Irlanda antr' iles, cos seus capitás, o poeta Roighne Roscadach fillo d' Ughoine Mor, dixo a Mal fillo d' Ughoine, seu irman, cando Mal lle preguntou:

«Canta a descripción en gran coñecencia d' Irlanda, Ou Roighne,» Roighne respondeulle e dixo:

Ou nobre fillo d' Ugoine,
coma pode un chegar á coñecencia d' Ir-
[landa,
a conquista dos seus compañeiros (?) ?
Antes qu' iles inundaran a Scythia,
chegaron ao rei de Shinar;
chegáronse ao Egipro,
onde Cingeris foi extinguido,
tanto qu' unha gran tropa foi destruída
que morreu no Mar Rubio.
Solagáronse n-un espazo moi fidel (?)
con Pharaóh batéronse
Niul contratou con Scota,

a concepción dos nosos pais,
tomaron o nome de «Gaedhil,»
o nome «Scota» espallaron
a bela filla de Pharaóh
Iles espallaron terras,
romperon dentro da Scythia,
detremiñou longo combate—
os fillos de Nel e Noenbal.
Golamh era un mozo señor,
que maton ao fillo de Neman
fuxiu a Egipto,
onde era Nectanebus.
Pharaoh era ditoso
a Golamh, deu
un casamento Nectanebus,
Scota estaba á cabeza dos Scots:
Un nome foi trocado d' iles.
Iles avantaron pasada Africa,
bon era o home baixo quea iles tremian (?)
Fenius Farsaidh, o agudo,
ben espallou pra nós un duradeiro nome.
Chegaron á Hespaña
onde foi nada numerosa progenie,
Donn, Airech, Aimirgin,
Eber, Ir, Colptha mesmo,
Eremon, Erannan,
os oito fillos de Golamh.
A Sona de Mil veu sobre d' iles
os fillos de Mil afortunados;
os seus escolares resolveron
divididos navios
os homes volveron dende (o enterro de) Fial.
Iles dividiron Irlanda,
en duas veces seis, en herdamento dos ca-
[pitás,
precura a verdade de cada lel,
relata agudamente o inquérito,
... ou fillo!

192. Despois qu' Eremon e Emer houberon dividido os capitáns, tiveron doux distintos artistas que visieran na sua compañía dend' oriente, a saber, un poeta e un tocador de harpa. Cir, fillo de Cis, era o poeta, Cennfhinn o harpista. Botaron sorte antr' iles pra saber quen se quedaría con cada un d' iles, tanto que pol-a decisión da sorte, o tocador de harpa foi car' o Sul, con Eber, tanto que entón a melodia de mísica e harmunía siguén na parte do Sul. O poeta foi onda Eremon, tanto qu' a coñecencia da

poesia e canto sigueu no Norte sempre despois. Pra comemorar isto foi dito:

- a Os dous fillos de Mil, sonados en dinidade; tomaron Irlanda e Bretaña; coiles ali foron chegados un gentil poeta e un tocador de harpa.
- b Cir, fillo de Cis, o brillante poeta, o nome do harpista Cendfind; cos fillos de Mil, de brillante sona o harpista tocou a harpa.
- c Os principes con moitas batallas, tomaron o reino d' Irlanda; fixérono con esprendor, ledo o son Eber e mais Eremón

- d Iles botaron unha sorte aixiña sobr' os grandes homes d' arte; tanto qu' ali caiu a sorte do Sul o harpista justo e fermoso.
- e Melodia de mûzeca mais bela que (nunha) compaña é dend' a parte Sul no Sul d' Irlanda; e é asina ha ser o afertunado julgamento coa sonada castimonia d' Eber
- f Ali caiu a sorte ao mais do Norte o home d' istrución con grande excepción; por isto o pobo que o trouxo gábase (de) coñecencia (?) de poesia e enseño.

FIN

Arquivo Filolóxico e Etnográfico de Galiza

Os contos, romance e cantares que siguen, foron recollidos en Lalín. Foi a recitadora unha rapaza chamada Carmen García Soto, natural do lugar de Combarro, feigresa de Santa María de Piloño, Concello de Carballeira. En xeral trátase de cousas xa publicadas, pro que coido persentan algunas variantes. O que me parece inédito é o conto encol da romaxe de San Andrés de Teixido: as persoas á quem llo rifirán, non tiñan noticia de él, nin o vin publicado. Trascríboo coa máis sima fidelida, sen traizoalo con modificacions nin interpretacions arbitrarias: ten, ó meu parecer, outo intrés pola reminiscencia que nél se atopa da lenda do Convidado de pedra.

CONTOS

DE LOBOS

Están pacendo unhas ovellas e vén o lobo e dilles: «Vouvos á comer». Entón elas contestanlle: «Estamos moi fracas, no nos comas. Vai dicir misa enriba de aquel penedo, entrementres nós pacemos algúnsa erba máis e cando volvas de dicil-a misa xa nos podes comer». Vaise o lobo; e cando as ove-

llas o ven alonxado, pillan á correr cara á casa, métense na coadra e pechan a porta. Ven o lobo, dá coa cabeza contra a porta e dí: «Dende que son vello Xancao, nunca tantas misas dixen en vao». E unha ovella contesta: «Dende que son vella ruza, nunca piliei tan gran escaramuza».

DA ROMAXE A S. ANDRÉS DE TEIXIDO:::

Van uns mozos de romaxe á S. Andrés de Teixido. No camiño atopan unha calivera: un de eles dalle un puntapé e os outros, animados polo exemplo, uxudan, levándos de este xeito hasta o preto do Santuario. Cando xa non lles falta moito pra chegar ó cabo da sua escursión, un dos pelengrins di de deixala; pro contesta outro compaño: «Xa que queda pouco camiño, levémola hasta alá, e inda podemos convidala á comer con nosco». Chegan á S. Andrés; e ali a calivera tórnase por compreto en cabeza de cristián e dille ós mozos: «Moitas gracias, meus amigos, pois coa vosa axuda pudén chegar hasta aquí e de esta maneira facer a romaxe que non fixen en vida».

ROMANCE

Xán Quintán quiria casar;
non tifia a mulier buscada.
Foille facer o amor
a filla da tia Xoana.
—Boas noites, tia Xoana,
¿onde lle vai a rapaza?—
—Vaime nas berzas na horta;
xa me parece que tarda.—
E n-esto entrá a rapaza
pol-as portas para dentro.
—Boas noites, Xán Quintán,
tráiole no pensamento.
—Pois ti diralo de risa
pero eu dígoche de veras;
xa está facendo hora e media
que estou quentando as canelas.
E quén che dixo a tí eso?
Sci que noso Señor.
Eu quiriamos casar;
vénloche facer o amor.
—Eu casar ben me casaba,
pero heiche de contar;
quero facer unhas saias
e teño a lan por fiar;
e teño un zapato roto
e un pano todo furado;
si téns cartos mércame outro;
casaremos de contado.
—Ténloche unha cabra vella,
téncheme catro cabertos:
mentras que dous che lle maman
outros dous andan a brincos.

E vendinlle os cabirtiños
e déronme catro pesos.
Ténhoos na ucha gardados
pra o dia en que nos casemos.—
Leeron as monicións
no auditorio da misa:
a xente que as oieu
caía de cù coa risa.
A nena doulle vergonza;
de veras que inda sirvia:
cando se iba casar
dixo que non-o quería.
Xán Quintán volvense teso
como as vergas de un canizo,
e doulle volta ó capote:
tan xiquera «a Dios» lle dixo.

CANTARES

Pra o ano que ven hai festa:
imos cantar de legría.
¡Viva quen colleu o ramo!
¡Qué viva o noso ramistal!
¡Que viva o noso ramista
que é persona xenerosa!
Vamos facer unha festa;
como ela n-ha de haber outra.

Pedro de Castro e o Tarabasco
iban xuntos ó chunchín.
Pedro de Castro tocaba na gaita
i-o Tarabasco no tamboril.

SALVADOR CABEZA DE LEÓN.

PRA UN CANZONEIRO DE NOIA

- | | | |
|----|---|---|
| 32 | Eu teño un can de palleiro
que de noite anda ceibado,
ten coidado Maruxiña,
Maruxiña ten coidado. | héille de mandar decir
que o garde no bolsillo. |
| 33 | Anque che somos de Buño
e nin todos somos oleiros,
tamén as xentes de Noia
nin todos son zapateiros. | 35 Maria, mifia María,
o pandeiro e mail-as cunchas
sacan a malenconia. |
| 34 | Mifia sogra quérme mal
porque lle falo co fillo, | 36 Miña nai e mail-a tua
van xuntas á romería,
levan a roupa de gala
deixan a de cada día. |

- 37 Cara de leite fervido;
xa me dixo a tua nai
que tiñas o mal cativo.
- 38 Dame un bico Mariquita
que ch-hei de dar un pataco.
— Non quero bicos dos homes
que me cheiran a tabaco.
- 39 Todos me din que me case
todos me din que vou ben,
todos me din que me case
pero no me din con quen.
- 40 Ao subir as escaleiras
unha pulga me picou,
collina pol-as orellas,
que man de piñas levou.
- 41 O home que ha de ser home
ha de ter as pernas tortas,
a barriga na xillada
e unha xoroba nas costas
- 42 Unha vella dixo á outra
pol-o burato da porta:
ti goberna a tua vida
que a miña nada che importa.
- 43 Debaixo do teu balcón
hai unha parra con uvas,
con liceneia do teu pai
víñen ver si están maduras.
- 44 Caséicheme por un ano
por saber que vida era,
o ano vaise acabar,
solteira quen che me dera.
- 45 Miña nai non me casedes
nese portiño do Son,
que están os demos metidos
nas cobas de Fonforrón.
- 46 Miña nai déume unha tunda
co aro dunha peneira;
miña nai teña vergonza
que ven a xente da feira.
- 47 Ao caravel cando nace
chámanlle caraveliño,
- 48 O amor da costureira
era papel e mollouse,
agora costureirinha
o teu amor acabouse.
- 49 Cando vou pol-o camiño,
camiñío de Padrón,
férveme o sangue no corpo
e brincame o corazón.
- 50 Moza que estás na ventana
co-as puntas do pano fora,
retirate para dentro
que o pano non che namora.
- 51 O carballo da Chainza
tén tres carros de madeira:
un é meu o outro é teu,
e o outro de quen o queira.
- 52 Pol-a falda da camisa
vinche subir un piollo,
era de Sierra Morena,
levaba un parche nun olló.
- 53 Esta noite hei de ir alá,
meniña non teñas medo,
que co-a punta da navalla
abriréiche o tarabelo.
- 54 A raiz do toxo verde
é moi mala de arrincar,
os amoríños primeiros
son moi malos de olvidar.
- 55 O meu pai foi sancristán
e fixo moitas diabururas,
mollaba o pan no aceite,
deixaba o Cristo ás escuras.
- 56 Para bailar as da Ponte,
pra cantar en Vilacoba,
e para tocar a gaita
Mansemino o Vilanova.
- 57 As muchachas do Couto
elas para todo son,

- para cantar e bailar
e tirar pol-o lijón.
- 58 Héime de casar en Louro,
casar con unha loirinha,
Nosa Señora de Louro
ha sere a miña madriña.
- 59 Pilariña, Pilariña,
dame un caravel Pilara
da tua caravelinña.
- 60 Eu fun á Muros pescar
pescar unha muradana,
e si a pesquei fixen ben
dormir con ela na cama.

- 61 Eu querer quéroche ben;
soio me falta saber
si ti me queres tamén.
- 62 Moza do pañuelo alleo,
a da camisa emprestada,
díxome a dona das zocas
cando lle pagas a saia.
- 63 Miña nai como é moi probe
non tifia pan que me dar,
enchéume a cara de bicos,
despois rompeu á chorar.

Recollidas por

ALVARO DE LAS CASAS.

OS HOMES, OS FEITOS, AS VERBAS

VIDA UNIVERSITARIA

A NOSA BANDEIRA NA UNIVERSIDADE

NA mañan do dia 1 do outubro, aproveitando a festa da inizazón do curso, foi izada por primeira vegada na nosa Universidade compostelán a bandeira galega. A final, as cores azul e branca da Terra, latexaron orgullosas na solaina da vella e nobre escola agora, mais que endexamais, galega. Fervosa e cativante data que ficará inmorredoiра nos arquivos da concencia racial.

Non é posibre alongar a sifificación do feito misturando-o con deduciós fora da realidade; pro tampouco sería xusto gardalo no silenzo sin darlle a sua propia e outa mañitude. O feito é que, felismente, a groriosa escola de Sant-Iago atúrase do espírito do noso país afundíndose polos vieiros mais limpos das nosas tradicíos e erguéndose aos hourizontes mais craros e amplos da auténtica universalidade. Nosa Universidade á par que chama ás suas cadeiras aos mais prestixiosos mestres da cultura nova, aos lentes mais categorizados da Europa aitual, acugilase de realidades gallegas pondo a nosa xuventude en condicíos da máisima utilidade pra a terra natal e de millor posibilidade pra a cultura.

LIBROS

CERÁMICA PORTUENSE,
por Pedro Vitorino,
Portugal, 1930.

COINZENZA OS «Estudos-Nacionais» sob a égida do Instituto de Coimbra, ca publicación do arqueólogo Pedro Vitorino sobre a «Cerámica Portuense».

Iste traballo de 75 páxinas, ben editado, con grabados de varias pezas en córes, ten sua importancia pra a bibliografía da cerámica no Portugal.

Seu autor xa advirte a dificultade d'ista crase de estudos, maormente a clasificación e as diferentes marcas das fábricas e ceramistas da cibdá do Porto.

Trata, no primeiro capído, da hestórea e desenrolo das fábricas de Santo Ildefonso, Santo Lázaro, Santo André e Fontainhas, séculos XVII á XIX.

No segundo, fala das de Massarelos, Miragaia, Vale-de Piédeade, Cavaço ou Cavaquinho e Afurada, do século XVIII. Considera como as mellores e con privilexio real, a de Massarelos e a de Gaia. Di que a fábrica de louza de Miragaia, fixo a experiencia do procedemento de «pó de pedra», somellante á louza inglesa, estilo de Davenport e Herculanum. Tamén nos conta que n'iste século

moitas fábricas chegaron ó seu maior apoio e tiveron a protección dos monarcas e señores.

O terceiro capitulo, o dedica ás fábricas de Carvalhinho, Monte do Cavaço, Fervenza, Bandeira, Alto da Fontinha, Palhacinhos, Grilos, Torrinha, Choupélo, Senhor d'Além, Entre Quintas, Candal, Devesas, Rua do Almada, Monchique, Pereira Valente e Santo Ovidio, todas do século XIX, sendo a melhor pola fabricación de pezas finas e únicas de louza vidrada á de Torrinha.

Pon remate, a tan meritorio trabalho, cas marcas das fábricas, facendo constar que foron moitas e variadas, difícil hoxe pra un compreto estudo, si ademais a industria non reparou en marcar todalas pezas, atendendo soio á sua venda e á competir nos precios.—X. C. G.

BASTO, Claudio. Traje a Vianesa. Estudos Nacionais sob a égide do Instituto de Coimbra. Ediciones Apolino. Gaia, 1930. 56 páxs. 4.^o

ODoutor Claudio Basto estuda niste trabalho os traxes que levan as raparigas das aldeas vecinas a Viana do Castelo en días de festa, é un traxe de grande gala con que algunas rapazas se atavian en feiras e romaxes. Descrebe os traxes formando tres tipos: dous na beiramar (un en Afife e Carreço, e outro en Areosa) e o terceiro no interior (Santa Marta de Portuzelo e Pérre) sin que isto queira decir que non haxa outras aldeas que o empreguen. A pesares da somellanza xeral de liñas e coores que se atopa en toda ista roupa de rapariga o A. fai resaltar as suas diferencias fundamentais en cada unha das pezas que compón a vestimenta das mozas. A somellanza que a primeira vista se dexerga fixo que xentes pouco avezadas na vida aldeán coidaran que o traxe era o mesmo levando ó extranxeiro as ideas trabucadas. Resaltan nos traxes fondas tonalidades bermellas (Areosa, Afife e Santa Marta de Portuzelo) e coores más bairos no traxe azul de Portuzelo e o antigo traxe de Pérre. En todos abundan os debuxos en pezas de roupa como as aljibeiras, a camisa, o colete, as meias, as chinelas, etc., que locen fermosos calados. O trabalho do Doutor Claudio Basto é un estudo compreto e ven ilustrado con láminas en coores dos distintos tipos de traxe e dibuxos dos adornos que locen as belidas vianesas.—A. F. F.

LA IGLESIA ROMÁNICA DE S. QUIRCE, por Justo Pérez de Vrbel, O. S. B., y Walter Muir Whitehill, Jr.—Madrid.

—Tipografía de la «Revista de Archivos», 1931.

TRÁTASE de un trabalho de 23 páxinas de texto e 24 láminas. Boa presentación e ben imprentado. Estudase a eirexa da Abadía de San Quirce, preto de Burgos, i-engadida no século XII a aquella Catedral. Parece que a primitiva eirexa foi remprazada por outra no ano 1054. Sábese que o prelado don Victor a consagrhou no 1147. Si ben se habfan escrito denantes traballos sobre iste moimento, non se fixeran como agora, maormente no seu aspeito epigráfico e iconográfico.

Ten ista pequerrecha eirexa, de unha soia nave, na portada norte, unha intresante serie de figuras, toscas e desfeitas moihas d'ellas, representando os doce apóstoles, Cristo maxestático co tetramorfos, a Visitação, unha muller que paresce ser Nosa Señora, a Anunciación, tres ánxeles, un d'iles San Miguel, e algúns siños do Zodiaco. O falar do «Sagitario» di que é intresante reparar n'iste mesmo siño, idéntica aititude do que tópase na porta das Praterías da nosa Catedral Compostelán.

Tamén nos canecelos do texaroz da portada do ponente alcóntranse vinte unha escens realistas, de gran valor pra a iconografía do arte románico, refrentes á Creación dos Nossos Pais, Pecado orixinal e á Cain e Abel.

Do interior da eirexa, dalle importancia o cruceiro, de forma cadrada, e arquiteitónicamente extraordinaria, si se ten en conta o fermoso exemplar de cúpula semiesférica sobre trompas.

Dos capitós, moitos historiados, son notables os referentes a Adán e Eva, Cain e Abel, Noé e Abraham.

D ista eirexa, rematada no primeiro tercio do século XII, din os sabidos autreis da monografía, que si se olla ben nas figuras, ábacos e capites, sácase a impresión de que os artistas non están cronolóxicamente moi lonxe dos que traballaron en San Pedro de Arlanza, San Isidoro de León e na Porta das Praterías da Catedral de Sant-Yago de Compostela.—X. C. G.

Castro Pires de Lima, Fernando de O CERÓTO Vilanova de Famalicão Sep. da Rev de Guimaraes, 1931. 6 páxs. 8.^o

DENDR a sua publicación deixa agora non era coñecido o A. de *O Ceróto* poema heroi-co-cómico publicado en pseudónimo de *Venicio de Matamor*. Ao ilustre folklorista

Pires de Lima débese o escrarecimiento con atinada visión crítica, non somentes do A. do poema senon tamén das alusións a que fai referencia. Foi seu A. o P. Luis José de Oliveira Nascimento, de S. Simón de Novais, Concello de Vilanova de Famaliçao († 1901). O persoaxe principal é o boticario Luis de Sousa Gonçalves a quen unía fonda amistade deixa un troque de partido do farmaceútico; foi estancias cando o P. Oliveira escribeu *O Ceróto* (1). As localidás son todas lugares perfectamente coñecidas. O poema foi adicado a un criado do A. e lido n'unha xuntanza de Padres, onde lle pregaron non-o publicase deica morrer o Farmaceútico, cousa a que cedeu o P. Oliveira. Antre o primeiro manuscrito e o publicado atopanse fondas modificacions feitas pol-o A.-A. F. F.

GOMES DE ALMEIDA CRESPO, José.—Aspecto Sanitario da emigración no Minho. Coimbra 1930. 27 paxs. en 8.^o

Portugal é un pobo de fonda emigración, mais que nada por necesidade, sendo o maior continxente da provincia do Miño, que vai a Francia, España e América do Sul principalmente. O emigrado carrexa pra sua terra o ouro, que reporta o ben estar económico das xentes; mais xunto co ouro, venen gran cantidade de doenzas contaxiosas, producindose por ista razón un *déficit emigratorio* que leva a probeza os fogares i-en sequenza á Nación. O Doutor Gomes de Almeida trata n-iste estudo de percurar no posibre, os remedios pra mingoar iste *déficit* producido na maior parte pol-a tuberculosis, sifilis i-enfermedades venereas.—A. F. F.

REVISTAS

DESCOBRIENTO, Revista de Cultura. Director, João de Castro Osorio, Lisboa.

DESCOBRIENTO é unha nova gran revista portuguesa, que publica un número por cada estación do ano. Cada número fai un volume de mais de tres centas páginas.

O emprendemento d'esta gran revista débese ao grande escritor João de Castro Osorio, o autor ilustre de *Rainha Santa*, *A Horadá* e *O Clamor*, obras que tivemos hai tempo a honra de comentar n-esta sezón, e das quales sobre todo a segunda, deunos a coñecer non somentes un escritor, senon tamén

(1) A verba *ceróto* ou *ceróto* quer decir medicamento en que entra principalmente a cera e un óleo.

un pensador dos mais fortes e arriscados, un verdadeiro e non un falso moderno, coma tantos s'adoitan dar tanto en Portugal com' antre nós.

Ben que non esteamos conformes coas ideias qu'espon no seu traballo titulado *Descobrimento*, co qual abre o número de primaveira da sua revista, no qual volve a unha concepción sintética da historia e a unha conseguinte concepción do porvir mais propia das ilusións seniles do século XIX que da desenganada e decrepita centuria en que vivimos, non podemos por menos d'admirar e aplausar o seu ambicioso alento, sen concordar na sua táboa de valores.

Descobrimento proponse valorizar a cultura portuguesa no mundo e polo-a en contacto coas correntes europeas. Tamén se propón estreitar os lazos entre Galiza e Portugal, pra o qual conta con colaboración galega. E desde logo co-a fonda simpatía e sincera irmandade de NÓS.

Número de Primaveira,

Sumario: Uma nova da civilización: o Descobrimento, João de Castro Osorio.—Oito elegías chinesas, Camillo Pessanha.—Aeromaginarios, Ramón Gomez de la Serna.—A Vida, Joaquín Manso.—Provincia, Ribeiro Couto.—O capital e o enforcado, João Barrreira.—O Mar, Manuel de Figueiredo.—Notas.

Número do Verão.

Sumario: *Portugal*, Conde Hermann de Keyserling.—Concepción singela do Ceo, Ev. Correa Calderon.—*Mornas*, Eugenio Tavares.—Assim é a vida, Carlos Parreira.—*Oraciones antiguas*, Paulino de Oliveira.—Antisemitismo, Vicente Risco.—Os sete sapatos de ferro, João de Castro Osorio.—Novelistas e poetas jóvenes do Brasil, Marques Rebello, Luis da Câmara Cascudo, Emilio Moura.—Notas.

BOLETIN DE LA SOCIEDAD CASTELLONENSE DE CULTURA, tomo XII, 1931, Cuaderno III.

SUMARIO: *Muros de Segorbe*, C. Pau.—*La diablaressa del retaule*, Sanchez Gozalbo.—*carta Puebla de Vistabella—Venta de Culla al Temple—Moros y cristianos*, E. D. Gazulla.—*Cançó de Nadal*, Artola.—*Misa de la alba*, Espresati.—*L'arc del dimoni*, Angel d'Almalfa.—*El «Libre de Privilegis de Cati»*, J. Puig.—*Revistas*.—Suplemento: *Don Juan Garbó*, Guinot.—*El alma de Carbó*, J. Sanz de Bremond.—*L'amic perduto*, J. Pascual Tirado.—*Un hombre ejemplar*, F. Escuin.

—*Sic vos non vobis, Espresati.* — ... P. L. Sales. — *Carbó y nuestro Archivo Municipal, Revest.* — *El último paseo de D. Juan, Sanchez Gozalbo.*

Cuaderno IV.

Sumario: *Galantes i cobejances*, Ángel Sanchez Gozalbo. — *Sobre la territorialización del Código de Valencia*, Juan Beneyto Pérez. — *El Pla del Moro*, Joan Porcar. — *Impressió* (Poesía), E. Soler Godes. — *Entre bayonetas*, Francisco Cantó Blasco. — *Notas bibliográficas*.

LOGOS, núm. 8, Agosto 1931.

SUMARIO: *Concordatos*, M. G. García. — *San Francisco Blanca*, Fr. G. Placer (O. D. M.). — *Unha esquirtora galega do século IV*, A. Gomez Ledo. — *Pol-a cultura relixosa de Galiza*, P. Pedret Casado. — *Documentos galegos medievais*, P. A. Lopez (O. F. M.). — *Bibliografía*.

No 9, Setembro 1931.

Sumario: *Concordatos*, M. G. García. — *Unha esquirtora galega do século IV*, A. Gomez Ledo. — *As lendas do Via Crucis*, Fr. G. Placer (O. D. M.). — *Documentos galegos medievais*, P. A. Lopez (O. F. M.). — *O cadábre de Don Xosé dos Santos*, A. de las Casas. — *Católica*, R. V. — *Bibliografía*.

O INSTITUTO, vol. 82, 4.^a serie, vol. 11º, núm. 1.

SUMARIO: *Noticia da Recepção no Instituto de Coimbra do seu Socio Honorario*. — *Monseñor Bandrillart, Arcebispo de Metz e Reitor do Instituto Católico de Paris*. — *Discurso do Presidente do Instituto Profesor Dr. Costa Lobo*. — *Science e religión*. — 1880-1930, por Alfred Bandrillart. — *Alocução do Presidente da Câmara Municipal de Coimbra Dr. Amadeu Ferraz de Carvalho*. — *Alocução do Presidente da Associação Académica de Coimbra João Gaspar Sanches*. — *História de Lusitânia e dos povos que primitivamente habitaram a península Ibérica*, por Carlos Augusto da Silva e Oliveira. — *Ensaio sobre os latinismos dos "Lusiadas"*, por C. E. Corrêa da Silva. — *Portugal Colonial na Sociedade das Nações*, Por Caetano Gonçalves. — *A Itália no princípio do século XIII*. — *No reino de Fez*, por Antonio de Mattos Cid. — *Unha apreciação crítica da Sociedade das Nações*, por ***

PORTUGALE, vol. IV, núm. 22, Julho Agosto, 1931.

SUMARIO: *Para as Murtas*, Ferreira Soares. — *Página humorística*, Emilio Martins. — *O pintor Antonio Canceiro*, Vila Moura. — *Consulta de mal-me-queres* (versos), João da Silva Correia. — *As canções populares portuguesas e a piedosa oferenda que o senhor Armando Leca lhes votou*, Jaime de Magalhães Lima. — *Inéditos e autógrafos*. — *Mercado do peixe (povo de Varzim)*, (folha solta) Alberto Silva. — *Varia*. — *Bibliografía*. — *Novidades*. — *Res et verba*.

NERVIO, ciencias, artes, letras. Buenos Aires, Año 1, núm. 1, Mayo, 1931.

SUMARIO: *Antena*. — *La fatiga total en "Pass" de Glaeser*, Alfonso Longuet. — *Aporte al estudio de la Psicoanálisis*, V. Fernández Cantina. — *El Infierno*, A. Strindberg. — *Cantares de Soledad*, J. Pereda Valdés. — *Soledad*, Alfonsina Stern. — *Versos*, Alvaro Lunque. — *El mensaje del niño*, B. Franco. — *Glosario de Han Pyner*, Costa Ibar. — *Severina*, Nathan Forge. — *Teatro*, Filoctetes. — *Cinema*, Alfo. — *Mirando vivir*, V. P. Ferreria. — *Bibliografía*.

OUTRAS PUBLICACIÓIS RECIBIDAS:

Céltiga, revista galega, Bós Aires.
Galicia, órgao da F. S. G. Bós Aires.
Acción Gallega, Bós Aires.
Correo de Galicia, Bós Aires.
A Fouce, Bós Aires.
Seara Nova, Lisboa.
Eusko-Ikaskuntza, (Sociedad de Estudios Vascos), 1928-1930, Memoria de la Sociedad etcétera.

Boletín de la Sociedad de Estudios Vascos.
Megáfono, Bós Aires.
Brújula, Bós Aires.
Cartel, Montevideo.
Centro Gallego de Montevideo, Memoria y Balance General, 1930-1931.
Belén, Habana.
La Clínica, Barcelona.
El Matí, Barcelona.
La Opinión, Buenos Aires.
Acció Valenciana, Valencia.
El Ebro, Barcelona.
La Nation Bretonne, órgao do Partido autonomista bretón.
Letras, Buenos Aires.
D'algumas d'elas daremos conta n'outro número.



A hixiene nos dedos

é a garantía da sua saúde física e moral o día de mañá.

No diario aseo dos nenos emplee o **"Jabón Sales de la Toja"**, único que ás suas altas calidades meicinás xunta toda a finura e perfume d'un xabón de tocador.

Contribuie ó perfeito desenrollo das criaturas e evita o perigo da escrófula e o raquitismo.

**JABÓN
LA TOJA**
ÚNICO EN EL MUNDO

1 pta
PASTILLA



O Xabróñ da Toxa
é o mellor.
Honra á Galicia no
mundo enteiro

MERQUE VOSTEDE
Plumeiros RAFIUM

DE MAIS DURA QU'OS DE PLUMA E LIMPAN MILLOR.
VENDENSE EN TODOL OS ESTABRECIMENTOS DO RAMO.

ANDRÉS PERILLE — OURENSE

Sanatorio Quirúrgico de San Lorenzo

SANTIAGO DE GALICIA
DE LOS PROFESORES

D. Fernando Alsina y D. Antonio M. de la Riva

CIRUJANO

GINECÓLOGO

Establecimiento dotado de todol os elementos que exixen
a terapéutica e a hixiene modernas, situado nas aforas
da poboazón, moi cerca do paseo da Ferradura

Teléfono número 195

Pra detalles, calquera dos Direitores ou o Médico interno

FOTOGRAVADO

Si quer qu'os seus fotogradados sexan o mais perfeito posibles, convenile envialos aos
Talleres de fotograiado **ESPASA-CALPE S. A.**

Ríos Rosas, 24-Apartado, 547 MADRID

A sua biblioteca non será
unha biblioteca galega,
mentras non adequira as
obras editadas por

NÓS

PUBLICACIÓNS GALEGAS E IMPRENTA

HORTAS, 20

SANTIAGO